

KERATAN AKHBAR

SURAT KHABAR	:	SINAR HARIAN		
TARIKH	:	13/3/2019	MUKA SURAT	: 7
JABATAN	:	UMUM		
KLASIFIKASI	:	PERHATIAN		

Kelestarian Kehidupan biodiversiti

Perubahan iklim yang kian mengengkan bumi kini benarkah bakal memberi impak kepada ketamadunan manusia dan bumi? Oleh itu, bagi melihat sejauh mana perubahan dan kesannya, Wacana Sinar Harian ke-93 telah menampilkan tiga panel bagi membincangkan mengenai perkara itu.

Dengan judul Perubahan Iklim dan Kehilangan Biodiversiti: Tejaskasih Rakyat? Sinar Harian menampilkan Timbalan Ketua Setiausaha Kementerian Tenaga, Sains, Teknologi, Alam Sekitar dan Perubahan Iklim, Prof Madya Dr Ramzah Dambul; Ketua Pengarah Perlindungan, Datuk Abdul Kadir Abu Hashim dan Pengarah Pemuliharaan WWF Malaysia, Dr Henry Chan. Ikuti ulasan mereka.

PENGARAH Pemuliharaan WWF Malaysia, Dr Henry Chan berkata, istilah biodiversiti merupakan gabungan dua perkataan iaitu perkataan biologi dan diversiti.

Katanya, jika diperhalusi maknanya secara umum ia membawa maksud kepelbagaian dalam kehidupan.

"Jika diperhalusi lebih mendalam biodiversiti adalah ketekangkuman tiga perkara asas iaitu pertama adalah kepelbagaian dalam sesuatu spesies, contohnya

seperti harimau, yang kedua adalah kepelbagaian antara spesies, contohnya kita ada harimau dan harimau bintang.

"Ketiga adalah gabungan kesemua kepelbagaian ini dalam sistem yang berbeza seperti lautan dan hutan belantara.

"Menurut laporan bumi yang hidup yang menilai perubahan alam menyatakan bahawa sejak 40 tahun dahulu banyak spesies telah pupus dan populasi haiwan bertulang belakang telah berkurangan sebanyak 60 peratus.



Dari kanan: Henry, Abdul Kadir, Ramzah dan moderator, Amin Idris pada sesi wacana, semalam.

"Maka kita kena kekalkan hutan kita sebanyak 50 peratus untuk menjamin kelestarian kehidupan biodiversiti dan kelestarian kita," katanya.

Sementara itu, Ketua Pengarah Perlindungan, Datuk Abdul Kadir Abu Hashim menyentuh mengenai situasi alam biodiversiti di negara ini, katanya, ia jelas belakau banyak perubahan.

Katanya, beberapa haiwan telah pupus di Malaysia sejak puluhan tahun lalu.

"Kita bahagikan kepada bebe-

rapa kumpulan, yang pertama mamalia, burung dan tumbuhan, dan secara keseluruhan dari segi mamalia setakat ini yang pupus di Semenanjung Malaysia adalah spesies Badak Jawa, spesies badak ini kita ada dua jenis iaitu Badak Jawa dan Badak Sumatera.

"Spesies terakhir Badak Jawa ini kita ada pada 1932 dan itulah Badak Jawa terakhir yang mati ditembak oleh British ketika itu dan profil ia ada di muzium di London, itu yang telah pupus yang kedua yang terancam, ini

Badak Jawa telah pupus pada 1932

■ Kali terakhir ia ditemui di Semenanjung Malaysia pada tahun berkenaan, namun mati setelah ditembak oleh penjajah British. Profilnya telah dibawa ke muzium London.

Haiwan yang terancam di Malaysia

- Tenggiling, Harimau Belang, Badak Sumatera.
- Badak Sumatera terakhir dapat dikesan tapak kakinya 10 tahun lepas, sementara spesies burung yang telah pupus adalah Burung Merak Hilau, Sementara tiga tumbuhan yang telah pupus iaitu pokok asam batu dan dua jenis paku pakis.

kalau kita tak jaga betul-betul ia akan pupus macam Badak Jawa, yang pertama tenggiling, Harimau Belang dan juga Badak Sumatera dan juga Banting.

"Badak Sumatera terakhir di kesan tapak kakinya 10 tahun lalu, sementara Banting sudah pupus, spesies burung adalah Burung Merak Hilau sudah pupus, sementara tiga tumbuhan telah pupus iaitu pokok asam batu dan dua jenis paku pakis," katanya.

